



Zur Publikation im Amtsblatt Mittelbünden (Pagina, Pöstli und Novitats) vom Donnerstag, 15. März 2018, bzw. Freitag, 16. März 2018

---

## Publikation uffiziala digl cumeegn Albula/Alvra

### ALBULA/ALVRA

[www.albula-alvra.ch](http://www.albula-alvra.ch)

Infurmaziuns dalla suprastanza communal digl cumeegn Albula/Alvra:

#### Schaner / favrer 2018

- An sia ampresa seduta digl 2018, ò la suprastanza communal fixo igl program annual (tr.ot. termins dallas sedutas da suprastanza, radunanzas communalas, tractandas pusseblas per las radunanzas communalas, etc.).
- La suprastanza communal ò examino e lubia diversas dumondas da biagier.
- Igl preventiv 2018 dalla Serenera a Casti è nia approvo e delibero. Chel mossa or en supra-ple d'expensas da CHF 212'000.00 (igl onn precedent CHF 210'700.00). La cumpart digl cumeegn Albula/Alvra monta CHF 102'864.75.
- La suprastanza communal ò examino ed approvo la cunvignientscha cun la regiun Albula pertutgont igl uffezi da taglia Albula; resp. sottascretg.
- La lescha davart igl tractamaint dall'ava persa digl cumeegn Albula/Alvra, approvo dalla radunanza communal digls 14 da december 2017, è nia mess an vigour per igl 1. da schaner 2018.
- An connex cun la determinaziun dall'orientaziun turistica futura digl cumeegn Albula/alvra, ò la suprastanza communal decida da trer tiers en sarvetsch spezialiso. Per la cunsegliaziun externa, ò la suprastanza communal approvo en credit brut da CHF 56'000.00. Igl Uffezi per economia e turissem digl Grischun ò mess an vista ena participaziun da CHF 21'000.00, max. 50% digls costs imputabels. Igl mument tgi l'analisa digl project è avant mang, vign la populaziun infurmada agl rom d'en arranschamaint public.
- Per igl project regional „Landwasserviadukt – Wahrzeichen Graubünden“, ò igl cumeegn mess a disposiziun en credit da CHF 60'000.00.
- La suprastanza communal ò discuto minuztgousamaintg igl sboz dalla lescha d'ustareia ed igl reglamaint lotiers e delibero tals per mang dalla radunanza communal.

- La suprastanza communalà ò decidia da metter ord funcziun schi spert scu pussebel igl scoldamaint da zenslas a distanza a Stierva perveia da problems technics. Chella maseira pretenda en ramplazzamaint antras ena centrala da scaldar mobila. An chel connex ò la suprastanza communalà concedia en credit da CHF 21'000.00. La suprastanza communalà examinescha igl mument en'installaziun d'en nov implant da scaldar u ena revisiun digl implant vigl gio segls onns.
- La suprastanza communalà ò surdo las lavours da construcziun, cuvreida e sanitaras davart l'equipaziun digl gôt Sulom-Lueras ad Alvaschagn. Igls 21 da mars 2018 vign la populaziun dad Alvaschagn orientada agl rom d'en arranschamaint d'infurmaziun davart igl decurs dallas lavours da construcziun. Cun las lavours da construcziun duess neir scumanzo igls 3 d'avregl 2018.
- Igl concept dall'economisaziun da rusment „Molok“ ed igl credit brut colliia cun tal an import da CHF 335'000.00, è nia approvo e delibero per mangs dalla radunanza communalà.
- La suprastanza communalà ò fixo igl proxim termin e las tractandas preveidas per la proxima radunanza communalà. La proxima radunanza communalà ò li gievgia, igls 25 d'avregl 2018 a Surava.

La suprastanza communalà